

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛教文獻匯纂

寺觀卷

(93)

圖 國家圖書館出版社

蘇州府志卷第四十一

僧寺二

利濟教寺	石佛淨土寺	寒山寺	普光寺
慧慶禪寺	上方寺	治平教寺	寶積寺
報本寺	壽聖廣福寺	薦福禪寺	靈巖禪寺
明月寺	寶華寺	壽聖寺	思憶講寺
資福寺	南峯寺	北峯寺	中峯寺
觀音寺	白雲禪寺	法螺寺	普賢教寺
穹窿禪寺	白馬禪寺	寧邦寺	天宮教寺
昭明教寺	光福講寺	天壽聖恩寺	華山寺

天壽禪寺	延慶寺	姑蘇寺	寶相教寺
寶壽教寺	長山教寺	秀峯禪寺	大覺教寺
大慈寺	包山禪寺	上方教寺	祇園寺
資慶寺	水月寺	華山寺	西小湖寺
東小湖寺	福源寺	天王禪寺	羅漢寺
法華寺	實際寺	石佛寺	長壽寺
齊星寺	翠峯禪寺	法海寺	華嚴寺
靈源教寺	能仁寺	彌勒寺	興福寺
高峯寺	晉慶寺	三峰寺	中峯寺
接待寺	金仙寺	金山寺	永福寺

保安寺

西資禪院

興福禪院

寒山禪院

普濟院

天衣禪院

報忠院

候王院

妙音禪院

白雲禪院

貝葉禪院

明因禪院

栖雲禪院

清隱禪院

露禪庵

義金庵

汲雲庵

吾與庵

幻住庵

餘慶庵

穹窿庵

衍慶庵

長生庵

青松庵

感德庵

竹影庵

龍樹庵

地藏庵

華嚴庵

鴈宕庵

大慈庵

金庵

三峯庵

真勝庵

法華庵二

雨花庵

北奇庵

廣濟庵

翠微庵

廣福庵

橘香庵

接待庵

壽寧庵

鳳祥庵

迎福庵

清風庵

法華庵

太平庵

法雲庵

圓明庵

大聖庵

二楞庵

順心庵

濶腳庵

真如庵

七寶泉庵

古龍潭庵

寂照真如淨居見明普照五庵

報德庵

興福庵

日觀庵

海會庵

崇福庵

西域庵

高山庵

金師庵

海雲庵

微笑庵

正覺庵

奉慈庵

松隱庵

化城庵

空空庵

磐陀庵

崇福庵

新庵

雙松庵

積翠庵

懷荆庵	合流庵	勝蓮庵	雲泉庵
道林庵	寄心庵	華藏庵	寂鑑庵
文殊庵二	法音庵	德雲庵	印心庵
總持林	鶴村庵	文殊庵	來鶴庵
藕花庵	懷警庵	咒鉢庵	聞鍾庵
無隱庵	石像庵	華雨庵	聞思庵
壽生庵	祇園庵	雲泉庵	信心庵
金山庵	雲隱庵	三宿庵	鏡水庵
同葉庵	采香庵	空谷庵	
以上在府城外吳縣境			

蘇州府志卷第四十一

僧寺二

利濟教寺在閻門外南濠姚家街宋紹興間僧道隆建明洪武

初爲叢林成化六年燬二十三年重建

楊衡
吉記

石佛淨土寺在閻門外南濠上南齊時何求嘗開講於此宋嘉定間重建明洪武初歸併利濟寺成化間又建嘉靖初廢而旋復萬歷中又廢天啟六年復爲寺

寒山禪寺在縣西十里楓橋故稱楓橋寺

圖經續記云舊或誤爲封橋今丞相王鄒

公頃居吳下親筆張繼一絕于石而楓字遂正起于梁天監間舊名妙利普明塔院

宋太平興國初節度使孫承祐重建塔七成嘉祐中賜號普

明禪院然唐人已稱寒山寺矣紹興四年僧法遷重修

孫覲記

元末寺塔俱燬明洪武中重建永樂三年修尋火正統中郡
守况鍾再修嘉靖中鑄巨鐘建樓置焉萬歷四十年建藏經

閣四十六年大殿火明年復修之本朝康熙五十年冬大

殿又火其稱寒山寺者相傳寒山捨得嘗止此故名然不可

考舊有水陸院嚴麗靚深屢出靈響今久湮壤塔亦莫知其

跡

普光寺在楓橋西莫詳其所自始今廢

慧慶禪寺在閭門外白蓮涇西元延祐間建

王志去郡城西七里元統二

年賜寺額僧維則記初在涇東至正末燬明洪武初歸併寒山寺

成宏間寺僧卽舊退居地更葺正嘉間寺復完 本朝康熙

初修 汪琬寺有塔院曰慧文在竺塢

汪琬重修慧慶寺記

出閶門沿漕河而南爲虹橋未至橋數百步有慧慶禪寺在焉建於元之延祐賜額于元統天祐則禪師嘗記之寺前後爽塈平衍故爲吳人士娛游之所記謂其松林柳涇映帶如畫者信也由元歷明寺屢興而復廢至是佛殿乃大壞像設露處入門瞻禮者悉懈不虔一寺莫之誰何也僧維貞者輒自奮曰此非吾責乎乃出其橐裝以裒木石以庇徒衆命監院廓源董其役闕則補之圮則易之漫漶黓昧則丹碧之凡閱五十有四日糜白金一百八十兩而始訖工於是寺煥若改觀矣嗟乎自國家撫定江淵而吾吳又更湖海寇盜之虞公私廬宇其廢爲邱墟灌莽狐鳴鴟嘯之區者將三四而佛法於是時顧獨大熾層樓傑閣上摩霄漢雕楹畫壁下瞞鬼工鐘版曰聞金錢粟布之間日至舟車士女歲時往來其塗者旁午大抵江淵諸名刹皆然而吾郡則推靈巖元墓兩法席爲之冠甚矣吳民之佞佛也訖于今日東南之蕩平亦已久矣然而爲佛氏之學者往往求食無所囊蓋

荷笠散而他之判然與曩時異豈吳中故俗至此而遂變與
蓋十餘年以來吳民甫脫湯火而水旱疾疫之灾仍歲間作
徭役益重而訟獄益煩閭閻之間方謀朝夕之不暇其不能
捐室家減衣食以旁及學佛者之徒固其勢爾也然則盛衰
循環之數雖佛法亦有不得不免者而吾獨慨然於吳民之窮
焉幸而有貞公者出不假同侶不邀檀施悉其俗姓之儲蓄
以盡之于佛而成此莊嚴偉麗非常之觀豈不誠難也哉吾
謂是役也當吾民旣窮之後雖使彼之爲徒者日夜奔走衢
路號呼勦募以圖其事猶未必其果速辦也而貞公獨力所
就卓卓如此世之士大夫類以異端廣浮屠如貞公者夫亦
何可盡廢與工旣訖子許爲之記而貞公病甚臨滅猶屬文
子與也來促予文予不敢忘也乃述是說以告凡學佛者
上方寺在縣西南十二里石湖上王志楞隋大業四年郡守李
顯建塔七成據山巔寺有五通祠巫覡妄言能禍福人 本
朝康熙二十四年巡撫湯斌毀祠投其像太湖中乾隆中
高宗純皇帝南巡屢次臨幸賜聯額

湯斌奏毀淫祠疏

命撫吳

陞辭之日蒙我

皇上諄諄

臣才具庸劣奉
誨諭以移風易俗爲先務

德意月吉齊

集士民講解上諭

十六條又定期至學宮講孝經小學使人知重倫常而敦實行一年以來風俗亦漸改觀竊以吳俗尙氣節而重文章闡

闡以著述相高固天下所未有也但風涉淫靡黠者藉以爲利而愚者墮其術中爭相倣效無所底止如婦女好爲冶遊之習靚粧艷服連袂僧院或羣聚寺觀裸身燃臂虧體誨淫於斂錢聚會迎神賽社一旛之直可數百金刻造馬弔紙牌編作淫詞艷曲流傳天下壞人心術婚喪不遵家禮戲樂參靈綵服迎喪仁孝之意衰任卹之風微而無賴少年教習拳勇身刺文繡輕生好鬪名爲打降如此之類不可枚舉皆嚴加禁飭委曲告誡今寺院無婦女之跡河下無管絃之聲迎神罷會艷曲絕編打降之輩亦稍稍斂迹若地守臣之法三年之後可以返樸還淳且浮費簡則賦稅足樂明則爭訟息固吳中之急務也然此皆地方官力所能行不敢上煩 諭旨惟有淫祠一事挾禍福之說年代久遠入人膏肓非奉 天語申飭不能永絕根株蘇松淫祠有五通及劉猛將五方賢聖諸名號皆荒誕不經而民間祀

戶祝飲食必祭妖邪巫覡創爲荒誕之說愚夫愚婦爲其所惑牢不可破蘇州府城西十里有楞伽山俗名上方山爲五通所據幾數百年遠近之人奔走如驚牲牢酒醴之饗歌舞笙簧之聲晝夜喧闐男女雜遝經年無時間歇歲費金錢何止數十百萬商賈市肆之人謂稱貸於神可以致富借直債神報必豐里諺謂其山曰肉山其下石湖曰酒海耗民蕩民志此爲最甚更可恨者凡少年婦女有殊色者偶有熱之症必曰五通將娶爲婦而其婦女亦恍惚夢與神遇往往羸瘵而死家人不以爲哀反艷稱之每歲常至數十家視河伯娶婦之說更甚矣夫蕩民志耗民財又敗壞風俗如此皇上治教如日中天豈容此淫昏之鬼肆行於光天化日之下臣多方禁之其風稍息因此勘災至淮益肆猖獗司凡如此類盡數查毀撤其材木備修學宮并葺城垣民始有斂而駭繼而疑以爲從前曾有官長厭其妖妄銳意革除神降之禍殃皆爲臣危至數月之後見無他異始大悟往日非然吳中師巫最黠而悍誠恐臣去之後必又造怪誕之說之卽有斂箕斂民財更議興復愚民無知必復舉國猖狂不可禁遏賜特旨嚴禁勒石山巔令地方官加意巡察有敢興復惑祀者作何治罪其巫覡人等盡行責令改業勿使邪說誑惑淫

民聽天威所震重寐當醒人心既正風俗可淳更通行直省凡有類此者皆行革除有裨世道非渺小矣

治平教寺在縣西南十二里上方山下臨石湖北梁天監二年僧法鏡建舊亦名楞伽寺宋治平元年改今額寺傍有巨井甚深井闌側有隋人刻字蓋楊素移郡橫山下嘗居此明嘉靖元年作石湖草堂及竹亭今寺有五賢祠祀唐寅文徵明王守王龍湯珍

高宗純皇帝南巡臨幸賜聯額

明蔡羽石湖草堂記

吳山楞伽茶磨並緣於湖茶磨嶼爲尤美北起行春橋南盡紫薇村五步之內風景輒異是茶磨使之也上爲郊臺下爲越來溪緣溪曲折旋入山腹其林深黑治平寺也夫登不高足以盡江湖之量處不深不足以萃風烟之秀於其所宜得而有之草堂所以作也夫平湖之上翳以數畝之竹厓谷之間曠以泉石之位造物者必有待也使無是堂則游焉者不知其所領倦焉者不知其所休是湖與山終無歸也幸已

之秋治平僧智曉方謀卜築事與緣合乃詣文士翕至贊
經畫不終朝而成明年改元嘉靖壬子王子履吉來主斯社
爰自四月縮板盡六月九旬而三廡落成左帶平湖右繞羣
巒負以茶磨拱以楞伽前却修竹後擁清泉映以嘉木絡以
薜蘿翛然羣翠之表於是文先生徵仲題曰石湖草堂王子
輩以記屬羽夫湖勝也尤萃於茶磨茶磨之勝則以能容深
林也尤深於茲竹則是堂也勝將焉讓且地微人雖靈奚傳
人微地雖高奚發嚮也山猶是湖猶是竹猶是而游不兼息
息不兼游人與地得無病今也林不加闢地不加升而湖山
在函丈禽鳥在尊俎游於是息於是暝觀霽覽集於是人與
地不亦皆遭乎幸二者之遭作石湖草堂記

後記

形無大小在全其趣而已趣無古今在領之而已東南之形
勝萃於吳大者震澤洞庭穹窿鄧尉小者楞伽石湖爲壤不
同全其趣則一也禹貢所志周禮所載吳越居先孫錢居後
高人閒氣騷士鍾靈故花蘚蟬蛻角皓鵠冥松陵發響白傅
登臨矧茲近代之賢獨得於形迹之外者乎石湖范文穆歸
休之地形視震澤百之一而趣自全當楞伽之北茶磨之南
其岡可踰中半而作夫差之郊臺也緣臺而郤還顧茶磨進
退之間可以憩息治平之竹林也王子輩作草堂之四年爲

嘉靖丙戌二月余獲繫舟溪口休其檝戴其竹王子輩方攝卷散帙挹芬茹芳用厥泉石陶厥風烟若將無事人世者然經綸獻納周孔之寶用至于科名又細細也跡雖高能遂忘乎以吳之勝湖得其小矣湖之勝竹得其小矣然而皆全焉湖之觀非楞伽之亭不獲盡至於風雨不侵人聲不至巖巒巔峴陰翠蒙翳暑多其涼雪多其照晨作暮休飫心醉睇以爲亭克之乎微是堂將無歸夫夫差騁其巔勾踐鬪其下文穆館其間適意不同而皆有所領謂今日之領不在諸子吾不信也雖然堂之外山光水色萬象朝夕之變而已堂之內寒翠滿室而已若夫可以景得不可以景窮者別有在也諸君子當自知之

寶積寺在縣西南一十二里楞伽山下亦名楞伽寺明洪武初

歸併治平寺

舊志云按上方治平寶積皆名楞伽范志寶積在橫山下而稱寺塔碑繫焉圖經續記楞伽寺

在橫山下其上有塔又有寶積治平相連皆近建姑蘇志謂楞伽俗云上方今寺在山上而寶積歸併治平疑皆一寺所分以圖經續記證之蓋先有楞伽而上方治平相連以起考隋碑云此山古佛殿則楊素移郡時已有寺前郡志云寶積

隋大業四年僧永光
建是興建塔同時矣

報本寺在縣西南二十二里楞伽山西舊名報本蘭若宋時賜
侍郎孟勣功德寺侍郎墓在其側

壽聖廣福禪寺在縣西南二十里

王志吳山嶺上

石晉天福五年吳越

中吳軍節度使錢文奉建以奉其父廣陵王元璗墓祀初名

吳山院宋治平中賜今額崇寧元年文奉孫公著立石強浚

明記按記院凡四遷明洪武初歸併胥山天宮寺永樂元年重修

薦福禪寺在縣西南二十五里

王志福山下不知所始或云卽錢氏

所建明洪武初歸併穹窿寺

靈巖禪寺在靈巖山舊名秀峰寺卽吳館娃宮也梁天監中置